

АУЫЛДАРДА ЭЛЕКТР ЖЕЛІЛЕРІ ЖАҢАРТЫЛАДЫ

Хромтау аудандық электр желілері учаскесі – «Энергосистема» ЖШС мекемесі теңгерімінде тұрған электр желілері мен қосалқы станциялардың жағдайы, сондай-ақ атқарылған және жоспарланған жөндеу жұмыстары турасында брифинг өтті.



нымен қатар 6 кВ кабель желілері 14,32 шақырым, 0,4 кВ кабель желілері 18,92 шақырым болып отыр. Электр энергиясын тарту және қамтамасыз ету мақсатында 110/35/10/6 кВ кернеулі екі қосалқы станция, 110/6 кВ бір қосалқы станция, 35/10 кВ кернеулі он бір қосалқы станция және 35/0,4 кВ екі қосалқы станция жұмыс істейді. Бұған қоса, 10/0,4 кВ кернеулі 131 комплектілі трансформаторлық қосалқы станция және бір 10 кВ тарту пункті бар.

Брифинг барысында Хромтау аудандық электр желілері учаскесі бастығының міндетін атқарушы Тимур Мыңбаев өткен жылы атқарылған күрделі жөндеу жұмыстарына тоқталды. Оның айтуынша, былтыр Аққұдық ауылындағы 10 кВ әуе желілерінде, сондай-ақ Бөгетсай ауылындағы 0,4 кВ желіде тіректер мен сымдар толықтай ауыстырылған. Сонымен қатар Табантал ауылындағы Құрылыс бөлімі аумағында, Хромтау қаласындағы Алтынсарин көшесінде және Қызылсу ауылының орталық қонысында орналасқан трансформаторлық қосалқы

станцияларда да күрделі жөндеу жұмыстары жүргізілді.

Тимур Мыңбаевтың айтуынша, осы жылға арналған жоспарға сәйкес, бірнеше елді мекенде электр желілерін жаңарту көзделіп отыр. Атап айтқанда, Ақжар ауылындағы «Бригада-2» деп аталатын 10 кВ әуе желісінде және осы ауылдағы 0,4 кВ желіде, Хромтау қаласындағы «Маслозавод» 6 кВ желісінде, Қарлау кентіндегі 0,4 кВ «Қарлау» желісінде және Қызылсу кентіндегі 0,4 кВ желілерінде тіректер мен сымдарды ауыстыру жұмыстары жүргізілмек. Сонымен бірге, 2025 жылы Хромтау қаласындағы «Аурухана» деп аталатын 0,4 кВ әуе желісінде, атап айтқанда Рысқұлбеков, Қонаев және Қазақстан көшелерінде жарықтары бар ескі тіректер ауыстырылғаны хабарланды. Алдағы уақытта Бөгетсай ауылында, сондай-ақ Хромтау қаласындағы «Миллионный» және «Маслозавод» атауымен белгілі 6 кВ әуе желілерінде тіректерді кезең-кезеңімен ауыстыру жоспарланып отыр. Кәсіпорын өкілі бұл жұмыстардың барлығы электр желілерінің сенімділігін арттыруға, апаттық жағдайлардың алдын алуға және тұрғындарды тұрақты электр энергиясымен қамтамасыз етуге бағытталғанын айтты.

Ләззат ӘБДИРОВА

ТИІМДІ БАСҚАРУ ТӘЖІРИБЕСІ

Рүстем ШАКИЗАЕВ, «AMANAT» партиясы аудандық филиалдың атқарушы хатшысы



Құрылтай барысында өзекті мәселелер көтерілді. Соның ішінде екі маңызды мәселеге ерекше тоқталғым келеді. Оның біріншісі — бір палаталы парламентке көшу, ал екіншісі — жаңа Конституция қабылдау немесе қолданыстағы Конституцияға түбегейлі өзгерістер енгізу. Бұл мәселелер қоғамда көптен бері талқыланып келеді. Президенттің өзі де бір палаталы парламентке өтудің маңыздылығын бұған дейін бірнеше рет атап өткен болатын. Бұл бастамалардың күн тәртібіне қайта шығуы қоғамдағы сұраныстың айқын көрінісі деп ойлаймын. Бір палаталы парламент унитарлы мемлекет үшін басқару үдерісін жеңілдетіп, заң қабылдау тетіктерін жеделдетуге мүмкіндік береді. Сонымен қатар бұл жүйе мемлекеттік шешімдер қабылдауда жауапкершілікті нақтылап, билік пен қоғам арасындағы байланысты күшейте алады.

Ал Конституция мәселесіне келсек, бұл — елдің болашағына тікелей әсер ететін аса маңызды қадам. Қолданыстағы Конституция белгілі бір тарихи кезеңнің талаптарына сай қабылданды, ал қазіргі қоғамдық-саяси ахуал, азаматтардың құқықтары мен еркіндіктеріне деген көзқарас түбегейлі өзгерді. Сондықтан Негізгі заңды жаңарту немесе оған елеулі түзетулер енгізу арқылы сайлау жүйесінің әділдігі мен ашықтығын, билік тармақтарының теңгерімін және азаматтық бақылау тетіктерін Конституция деңгейінде нақты бекіту қажет. Мұндай өзгерістер қоғамдағы сенімді арттырып, демократиялық құндылықтардың нығаюына, сондай-ақ жауапты әрі белсенді азаматтық ұстанымның қалыптасуына жол ашады.

ЖЕҢІЛ АҚША, АУЫР ЗАРДАПТАР: ДРОППЕРЛЕР КІМ?

Қазақстан Республикасының Қылмыстық кодексінде жаңа норма пайда болды, оның басты мақсаты – азаматтарды қылмысқа тартудан, соның ішінде дропперліктен қорғау (ҚР ҚК-нің 232-1-б. - жалған төлем карточкалары мен өзге де төлем және есеп айырысу құжаттарын жасау немесе өткізу).

Елімізде алғаш рет банк карталарын, шоттар мен электрондық әмияндарды заңсыз пайдаланғаны үшін қылмыстық жауапкершілік енгізілді, өздерінің банк деректемелерін басқа адамдарға саналы түрде беретін адамдар да жауапты болады. Картаны, шотты беру немесе заңсыз ақшаны қолма-қол ақшаға айналдыру да қылмыстық әрекет болып табылады.

Дроппер – бұл өзінің банк картасын немесе шотын басқа тұлғаларға беретін немесе

үшінші тұлғалардың етініші бойынша ақшаны қабылдауға және аударуға келісетін адам. Көптеген адамдар «жаман еш нәрсе жасап жатқан жоқпын» деп қате тұжырым жасайды, бірақ шын мәнінде мұндай адамдар арқылы ұрланған немесе алаяқтық жолмен алынған ақшалар айналымы жүзеге асырылады. Дроппер – бұл жәбірленуші емес, қылмыстық схеманың қатысушысы, тіпті ол өзі «білмесе де» түсіну қажет.

Көбінесе дропперлік схемалардың құрбандары қиын қаржылық жағдайдағы оқушылар, жасөспірімдер, жастар мен ересек адамдар болып табылады. Қасқнемдер әдейі ақшаға мұқтаж немесе қаржы мәселелеріндегі жеткілікті тәжірибесі жоқ адамдарды іздейді. Оларға «жеңіл ақша» ұсынады, «заңсыз ештеңе жоқ» деп сендіреді, жай ғана «карта



беруді» немесе «аударымды қабылдауды» сұрайды. Нәтижесінде мұндай адамдардың өздері қылмыстық жауапкершілікке тартылады. Дәл осы іс-әрекеттерге қатысқаны үшін қылмыстық жауаптылық айыпқұлдан бастап, 7 жылға дейінгі бас бостандығынан айыру жазасы көзделген.

Хромтау ауданының прокуратурасы

ПАТРИОТИЗМНІҢ МӘНІ — ҰРАН ЕМЕС, ҰСТАНЫМ



Қуандық РЕЙМОВ, Қазақстан Журналистер Одағының мүшесі

— Ұлттық құрылтайда Мемлекет басшысы Қасым-Жомарт Тоқаев көтерген мәселелер мен үшін патриотизм ұғымын тереңірек түсінуге жол ашты. Президенттің пайымынша, патриотизм — жалынды сөз бен сыртқы айқай емес, ел алдындағы жауапкершілікті шынайы сезініп, оны нақты әрекетпен дәлелдеу. «Отан алдындағы парызыңды өтеуге ұмтылмайсаң, өзіңді патриоттың деудің өз мәні жоқ» деген пікірі әр азаматтың жүрегіне ой салары анық.

Шынайы отаншылдықтың тағы бір айқын көрінісі — мемлекеттік рәміздерге деген құрмет. Көк байрағымыздың ел ішінде және халықаралық деңгейде асқақтап тұрғаны халықтың бірлігі мен рухын көрсетеді. Дегенмен, Мемлекет басшысы атап өткендей, рәміздерге немқұрайлы қарауға жол берілмеуге тиіс, заң талаптары қатаң сақталуы қажет. Бұл — әрбір азаматқа жүктелген ортақ міндет. Рәмізді ілу ғана емес, оны қадірлеу, заңды сыйлау — нағыз патриотизмнің белгісі.

КОМАНДАЛЫҚ ЭСТАФЕТА ЖЕҢІМПАЗДАРЫ

Тау-кен байыту комбинаты мен кеніш бөлімшелері арасында Ақтөбе мыс компаниясы бас директорының кубогына арналған турнир өтті.



Шағын футбол, волейбол, стритбол, армрестлинг, гир көтеру, турникке тартылу, сондай-ақ үстел теннисі, дойбы, арқан тарту және командалық эстафетадан құралған жарыс бағдарламасы өте мазмұнды болды. Әрбір спорт түрі қатысушылардан төзімділік

ті, жинақылықты және ұйымшыл командалық жұмысты талап етті.

— Өз ұжымымыз мақтан тұтамын. Біздің кеніш жігіттері өздерін тек мықты кеншілер ретінде ғана емес, сондай-ақ спортшылар ретінде де көрсетті.

Гир көтеру мен турникке тартылу бойынша ең үздік нәтижелерге қол жеткіздік, — деп «Весенне-Аралчинское» жерасты кенішінің инженер-есепшісі Анар Булатова өз әсерімен бөлісті.

Жарыста тәжірибелі қатысушылармен қатар жаңадан қатысқан командаларға да сәттілік серік болды. Ақтөбе мыс компаниясы теміржол цехінің командасы жарысқа алғаш рет қатысып, бірден жеңіске жетті.

— Өте қызықты турнир болды. Теміржол цехы байқауға алғаш рет қатысқанына қарамастан, командалық эстафетада жеңіске жеттік. Мұндай кездесулер бір-бірімізді жақынырақ танып, достасуға мүмкіндік береді, — деді Ақтөбе мыс компаниясының теміржол цехінің станция кезекшісі Азамат Усманов.

Жарыс қорытындысы бойынша жеңімпаздар мен жүлдегерлер кубоктармен, медальдармен, грамоталармен және ақшалай сыйлықтармен марапатталды.

Ләззат ӘБДИРОВА

ТАЗАЛЫҚ ІШКІ МӘДЕНИЕТТЕН БАСТАЛАДЫ

Айбол САҒЫНЖАНҰЛЫ, Аудандық «Қазақ тілі» қоғамының төрағасы



«Таза Қазақстан» бастамасы — уақытша науқан емес, күнделікті өмір салты. Президент Ұлттық құрылтайдың бесінші отырысында бұл бастаманың мәнін «Тазалық — үздіксіз еңбектің нәтижесі» деп нақты айқындады. Шын мәнінде, тазалық сыртқы ортадан бұрын адамның ішкі мәдениетінен басталады. Ойы таза адамның ісі де адал болады. Ал адал еңбек пен жауапкершілік — қоғам дамуының негізі. Бұл құндылықтарды жас ұрпақтың бойына еггізу — баршамыздың борышымыз.

ҰЛТТЫҚ БІРЛІК — ДЕМОКРАТИЯЛЫҚ ДАМУДЫҢ БЕРІК НЕГІЗІ



Ақмарал ТҮРҒҰМБАЕВА, Аудандық мәслихат депутаты

— Ұлттық құрылтайдың бесінші отырысында Мемлекет басшысы ел дамуының өзекті бағыты ретінде жалпұлттық бірлікті нығайтуды айқын көрсетті. Демократиялық дәстүрі қалыптасқан, азаматтық қоғамы дамыған мемлекет құру үшін билік пен халық арасындағы ашық диалог шешуші рөл атқаратыны рас. Президентіміздің айтуынша, соңғы жылдары жүзеге асқан саяси реформалар, соның ішінде митингілер туралы заңның қабылдануы, әйелдер мен жастарға арналған квотаның енгізілуі және қоғамдық кеңестердің белсенділігі қоғамның саяси мәдениетін арттыруға ықпал етті. Сонымен қатар, Мемлекет басшысы ұлттың жаңа сапасын қалыптастыру, жауапкершілікке негізделген отаншылдықты дамыту және радикализм мен экстремизмнің алдын алу мәселелеріне ерекше мән берді. Ол демократияны күнделікті еңбекті талап ететін өмір салты ретінде бағалап, қоғамды арандатушылық пен бос уәделерден сақ болуға шақырды. Осы тұрғыдан алғанда «Түрлі көзқарас, біртұтас ұлт» қағидатын берік ұстануға шақырды. Бұл елдің тұрақты дамуы мен бірлігін қамтамасыз ететін негізгі ұстаным болатыны сөзсіз.

СПОРТИВНАЯ АТМОСФЕРА

Актюбинская медная компания на два месяца погрузилась в спортивную атмосферу межцеховых соревнований. Среди подразделений ГОКа и рудников прошёл турнир на кубок генерального директора АМК.

Программа соревнований была насыщенной: мини-футбол, волейбол, стритбол, армрестлинг, гиревой спорт, подтягивание на турнике, а также настольный теннис, шашки, перетягивание каната и командные эстафеты. Каждый вид спорта требовал выносливости, концентрации и слаженной командной работы.

«Горжусь своим коллективом. Наши ребята с рудника показали себя не только как сильные шахтёры, но и спортсмены. Лучший результат в гиревом спорте, подтягивании на турнике», - по-

делилась впечатлениями инженер-учётчик подземного рудника «Весенне-Аралчинское» Анар Булатова.

Удача была на стороне как опытных участников соревнований, так и новичков. Команда железнодорожного цеха АМК впервые заявила на соревнованиях и сразу победила.

«Это был очень интересный турнир. Мы выиграли в командных эстафетах, хотя наш ЖД-цех участвует впервые. Такие встречи помогают лучше узнать друг друга и сдружиться», — расска-



зал Азамат Усманов дежурный по станции железнодорожного цеха Актюбинской медной компании.

По итогам соревнований победители и призёры получили кубки, медали, грамоты и денежные призы.

Ләззат АБДИРОВА

СОТ ІСІН ЖҮРГІЗУДЕ ҚАЗАҚ ТІЛІН ҚОЛДАНУДЫҢ ТИІМДІЛІГІ

Қазақстан Республикасы Конституциясына сәйкес қазақ тілі – мемлекеттік тіл болып табылады. Мемлекеттік тілдің қолданылу аясын кеңейту, әсіресе сот ісін жүргізу саласында, құқықтық мемлекеттің маңызды көрсеткіштерінің бірі саналады. Сотта қазақ тілін тиімді қолдану азаматтардың құқықтарын толық әрі сапалы қорғауға, әділ сот төрелігін қамтамасыз етуге тікелей әсер етеді.

Бүгінгі таңда сот жүйесінде қазақ тілін қолдану деңгейі жылдан жылға артып келеді. Дегенмен, оны жүйелі әрі тиімді жүзеге асыру үшін нақты тетіктер мен тәсілдерді қолдану қажет.

Біріншіден, сот ісін жүргізуде қазақ тілін қолданудың басты жолы – іс қағаздарының мемлекеттік тілде сауатты әрі біздің рәсімделуін қамтамасыз ету. Сотқа келіп түсетін талап арыздар, өтініштер, қаулылар мен шешімдер заң талаптарына сәйкес қазақ

тілінде рәсімделуі тиіс. Бұл ретте құқықтық терминологияның біркелкі қолданылуы аса маңызды.

Екіншіден, сот отырыстарын қазақ тілінде жүргізу тәжірибесін кеңейту қажет. Азаматтардың ана тілінде өз ойын еркін жеткізуі өте маңызды, сонымен қатар бұл тараптарға сот процесінің мәнін толық түсінуге мүмкіндік береді.

Үшіншіден, заманауи цифрлық технологияларды пайдалану арқылы қазақ тіліндегі

сот ісін жүргізуді жеңілдетуге болады. Электрондық сот кабинеттері, үлгілік бланкілер мен құжаттардың қазақ тілінде қолжетімді болуы азаматтардың мемлекеттік тілді таңдауға деген ынтасын арттырады.

Төртіншіден, қазақ тілінде жазылған сот актілерінің сапасын арттыру – маңызды бағыттардың бірі. Сот шешімдері түсінікті, нақты әрі заң нормаларына сай болуы қажет. Бұл мемлекеттік тілдің беделін арттырып қана қоймай, құқықтық мәдениетті дамытуға да ықпал етеді.

Қорытындылай келе, сот ісін жүргізуде қазақ тілін тиімді қолдану – тек тіл саясатының талабы ғана емес, сонымен қатар азаматтардың конституциялық құқықтарын қамтамасыз етудің маңызды құралы. Мемлекеттік тілді сот төрелігінде кеңінен қолдану құқықтық сананы арттырып, қоғамдағы әділдік пен ашықтықты нығайтады.

Б. БЕКЕНОВА,
сот пристав

ТҰРМЫСТЫҚ ГАЗДЫ ҚАУІПСІЗ ПАЙДАЛАНУ ЕРЕЖЕЛЕРІ



Жыл сайын Республика аумағында тұрмыстық газ баллондарын, аспаптарды газ тәрізінде отынмен дұрыс пайдаланбау салдарынан газ-ауа қоспасының жарылыстары орын алуы. Жекелеген жағдайларда өрт шығып, соның салдарынан адамдар қаза тауып немесе жарақат алады.

2018–2022 жылдар аралығында баллондардың жарылуы мен газ-ауа қоспасының тұтануынан 346 оқиға тіркеліп, 522 адам зардап шекті, оның ішінде 97 адам қаза тапты. Тек 2023 жылы 128 жағдай тіркеліп, 21 адам қайтыс болды және 167 адам термиялық жарақат алды.

Қолда бар ақпарат бойынша, 1970–1980 жылдардан бастап (нормативтік пайдалану мерзімі – 20 жыл) қолданылып келе жатқан, шұғыл ауыстыруды талап ететін 348 мыңға жуық ықтимал қауіпті тұрмыстық газ баллондары әлі де пайдаланылуда. Жағдай ескі және пайдалану мерзімі өткен баллондарды қолданатын халықтың қала маңындағы елді мекендерде және ауылдық жерлерде тұруымен қиындай түсуде. Бұл, негізінен, тұрмысы төмен азаматтар арасында жиі кездеседі.

Тұрғын кепқабатты үйлерде тұрмыстық газ баллондарын пайдалануға және оларды автожанармай құю станцияларында («Газ және газбен жабдықтау

туралы» ҚР Заңына сәйкес) толтыруға тыйым салынғанына қарамастан, газ баллондарының жарылыстары мен өрт жағдайлары орын алууда.

Осылайша, газбен жабдықтау қауіпсіздігіне мемлекеттік бақылауды ТЖ министрлігінің Өнеркәсіптік қауіпсіздік комитеті жүзеге асырады, ал жергілікті атқарушы органдар (бұдан әрі – ЖАО) газ тұтыну жүйелерін (тұрмыстық газ жабдықтау, газ баллондары, коммуналдық-тұрмыстық тұтынушылар және т.б.) қауіпсіз пайдалану талаптарының сақталуын бақылайды.

Ағымдағы жылдың 9 айында газбен жабдықтау жүйелерінің қауіпсіздік талаптарын бұзу салдарынан 70 өрт тіркеліп, нәтижесінде 5 адам қаза тауып, 20 адам түрлі дәрежедегі жарақат алды. Тек ағымдағы жылдың қыркүйек айында жанусыз газ-ауа қоспасының тарсу етуінен 11 жағдай тіркеліп, 1 адам қаза болды (Алматы облысы), 15 адам зардап шекті (Шымкент қ., – 3, Ақмола обл. – 3, Алматы обл. – 3, Қарағанды обл. – 3, Маңғыстау обл. – 1, Түркістан обл. – 2).

Бұл ретте, өртті сөндіру барысында өрт сөндіру қызметінің қызметкерлері 961 газ баллонын қауіпсіз жерге шығарды. Жарылыс болған жағдайда бұл біздің қызметкерлердің өміріне қауіп төндіруі мүмкін еді.

Сондықтан тұрмыстық газ баллондарын үй жағдайында қауіпсіз пайдалану ережелерін толық сақтауларыңызды сұраймыз. Атап айтқанда:

1. Газ баллондарын тік күйінде, жақсы желдетілетін ғимараттарда сақтау қажет. Оларды көмуге немесе жертелде сақтауға болмайды.
 2. Газ баллоны мен газ құрылғыларының құбырларын жылу көздерінен және тікелей күн сәулесінен қорғау қажет.
 3. Газ баллонын айырбастау кезінде маңайда ашық оттың, шоқтың және қоспалы электр құрылғыларының болмауын қадағалаңыз. Айырбастау алдында жаңа және бос баллондардың қрандары жабық екеніне көз жеткізіңіз. Жаңа газ баллонын орнатқаннан кейін сабынды су ерітіндісі арқылы қосылған жерлерінің тығыздығын тексеріңіз.
 4. Газ плитасы мен газ баллонын қосу үшін ұзындығы 1 метрден аспайтын, қауіпсіздік бекітпелері бар арнайы жұмсақ резеңке шлангіні пайдаланыңыз және оның созылып немесе қысылып қалуына жол бермеңіз.
 5. Газ құрылғыларын тексеру және жөндеу жұмыстарын тек білікті мамандарға тапсырыңыз.
 6. Қолданылмайтын бос немесе толтырылған баллондарды ғимараттан тыс жерде сақтаңыз.
 7. Тұрғын үйлер мен пәтерлерде газ баллондарын сақтауға жол бермеңіз.
 8. Екі қабаттан аспайтын тұрғын үй ғимараттарының пәтерлерінде бір пәтерде бір газ баллонын артық орналастыруға рұқсат етілмейді.
- Тағам дайындау кезінде қайнап жатқан сұйықтықтың жанып тұрған газды сөндіріп, газдың бөлмеге таралуына жол бермеңіз. Жұмыс аяқталғаннан кейін газ баллонының қранын жабуды ұмытпаңыз.
- Газ плиталарының жандырғыштарын үнемі тазалап отырыңыз. Олардың ластануы қайғылы жағдайларға әкелуі мүмкін. Бөлмеде газдың иісі сезілген жағдайда:
- газ беру қранын жабыңыз;
 - желдету үшін терезелер мен есіктерді ашыңыз;
 - ашық отты пайдаланбаңыз;
 - электр құрылғыларын қоспаңыз;
 - телефон сымын розеткадан ажыратыңыз.

Егер жағдай бақылаудан шықса, «101» немесе «112» нөмірлеріне қоңырау шалыңыз.

Хромтау ауданының ТЖБ

ТІЛ – АДАМНЫҢ АЙНАСЫ

Әр дәуірдің ұлы ойшылдары тілді ұлттың жаны, халықтың рухани тірегі ретінде бағалаған. Әл-Фараби сөзді ойды жеткізудің ғана емес, ақыл мен парасатты дамытудың құралы деп таныса, Абай тіл арқылы халықтың мінезі мен болмысы көрінетінін айтқан. Ахмет Байтұрсынұлы ана тілін сақтауды елдіктің басты шарты деп біліп, тіл жоғалса, ұлттың өзі де жойылатынын ескерткен. Ал әлемдік ойшылдар тілдің халықтың тарихи жазды мен мәдениетін ұрпақтан-ұрпаққа жалғайтын қасиетті көпір екенін атап өткен. Сондықтан тіл – өткен мен бүгінді, ұлт пен ұрпақты жалғап тұрған ең қымбат рухани қазына.

Қазақстан Республикасы Конституциясының 7-бабының 1-тармағына сәйкес, Қазақстан Республикасындағы мемлекеттік тіл – қазақ тілі.

Сонымен қатар, «Қазақстан Республикасындағы тіл туралы» Қазақстан Республикасы Заңының 4-бабына сәйкес, Қазақстан Республикасының мемлекеттік тілі – қазақ тілі.

Мемлекеттік тіл – мемлекеттің бүкіл аумағында қоғамдық қатынастардың барлық саласында қолданылатын мемлекеттік басқару, заң шығару, сот ісін жүргізу және іс қағаздарын жүргізу тілі.

Қазақстан халқын топтастырудың аса маңызды факторы болып табылатын мемлекеттік тілді меңгеру – Қазақстан Республикасының әрбір азаматының парызы.

Үкімет, өзге де мемлекеттік, жергілікті өкілді және атқарушы органдар Қазақстан Республикасында мемлекеттік тілді барынша дамытуға, оның халықаралық беделін нығайтуға, сондай-ақ Қазақстан Республикасының барлық азаматтарының мемлекеттік тілді еркін әрі тегін меңгеруі үшін қажетті барлық ұйымдастырушылық және материалдық-техникалық жағдайларды жасауға міндетті.

Осыған орай, әрбір азаматты, сондай-ақ мемлекеттік және жергілікті өкілді, атқарушы органдарды мемлекеттік тілді мөртебесін одан әрі арттыруға, оның халықаралық беделін нығайтуға белсенді атсалысуға шақырамын.

Е. БАҚЫТЖАН,
Хромтау аудандық сотының төрағасы

«Қазгеоруд» ЖШС

ҚР Экологиялық кодексінің 96-бабының талаптарына сәйкес 2026 жылғы 05 наурызда сағат 11: 00-де Ақтөбе облысы, Хромтау ауданы, Қопа а. о., Қопа а., Мәншүк М. үй 22 кешесі мекенжайы бойынша, «Лиманное» кен орнын игеру бойынша тау – кен жұмыстарының жоспары (екінші кезек-кезегі тау-кен жұмыстары) ықтимал әсерлер туралы есеп бойынша ашық жиналыс нысанында қоғамдық тыңдаулар өтетінін хабарлайды.

Жобалық құжаттама пакетімен <https://ndbecology.gov.kz/> сайтта, сондай-ақ ЖАО сайтында <https://www.gov.kz/memleket/entities/aktobe-zher-paidalanuy?lang=ru> танысуға болады.

Барлық ескертулер және / немесе ұсыныстар бірыңғай экологиялық порталда қоғамдық тыңдаулар өткізілетін күнге дейін 3 жұмыс күнінен кешіктірмейтін мерзімде, сондай-ақ expert_oos@mail.ru.

Төтенше жағдай және (немесе) шектеу іс-шаралары, оның ішінде карантин, әлеуметтік, табиғи және техногендік сипаттағы төтенше жағдайлар енгізілген жағдайда, қоғамдық тыңдаулар онлайн-режимде өткізіледі. Өткізілетін қоғамдық тыңдауларға белсенді сілтеме. <https://us05web.zoom.us/j/81078227946?pwd=zEmvrKFFThuH0FpEL6PjBcy3fWErae.1>.

Конференция идентификаторы: 810 7822 7946.

Кіру коды: aStQj1.

Жоспарланған Қызмет операторы: «КазГеоруд» ЖШС, БСН: 050640010572, Ақтөбе қ., АСТАНА ауданы, Маресьев көшесі, 4Г тел үйі: +7(702)-333-24-55.

Қосымша ақпаратты, сондай-ақ кезделіп отырған қызметке қатысты құжаттардың көшірмелерін +77023332455 тел. арқылы сұратуға болады.

Жобаны әзірлеуші: «Tau Engineering and Consultants» ЖШС, ҚР, Алматы, Бо-стандық ауданы, Әл-Фараби даңғылы, 5-Үй, Н.П. 13, тел. 8-701 705-05-80.

Әсер ету аумағының географиялық координаттары: Ақтөбе облысы, Хромтау ауданы, Копинск а. о., 1. 49°49'25.09" С 58°42'25.42" В; 2. 49°49'29.61" С 58°43'36.73" В; 3. 49°47'40.43" С 58°43'49.51" В; 4. 49°47'43.31" С 58°41'41.80" Ш.

Жергілікті атқарушы органның электрондық мекенжайы және пошталық мекенжайы: Ақтөбе облысының Табиғи ресурстар және табиғат пайдалануды реттеу басқармасы: Ақтөбе облысы, Ақтөбе қаласы, Әбілқайыр хан даңғылы, 40; expert_oos@mail.ru.

ТОО «КазГеоруд»

в соответствии с требованиями статьи 96

Экологического кодекса РК, сообщает, что в 11 час 00 мин. 05 марта 2026 года по адресу: Актюбинская область, Хромтауский район, Копинский с.о., с.Коп ул.Мәншүк М. д. 22 состоится общественные слушания в форме открытого собрания по отчету о возможных воздействиях на окружающую среду «Плана горных работ по отработке месторождения «Лиманное» (вторая очередь – подземные горные работы)».

С пакетом проектной документации можно ознакомиться на сайте <https://ndbecology.gov.kz/>, а также сайте МИО <https://www.gov.kz/memleket/entities/aktobe-zher-paidalanuy?lang=ru>.

Все замечания и/или предложения принимаются в срок не позднее 3 рабочих дней до даты проведения общественных слушаний на Едином экологическом портале, а также expert_oos@mail.ru.

В случае введения чрезвычайного положения и (или) ограничительных мероприятий, в том числе карантин, чрезвычайных ситуаций социального, природного и техногенного характера, общественные слушания проводятся в онлайн-режиме. Активная ссылка проведомлений общественных слушаний. <https://us05web.zoom.us/j/81078227946?pwd=zEmvrKFFThuH0FpEL6PjBcy3fWErae.1>.

Идентификатор конференции: 810 7822 7946.

Код доступа: aStQj1.

Оператор намечаемой деятельности: ТОО «КазГеоруд», БИН: 050640010572, ГАКТОБЕ, РАЙОН АСТАНА, УЛИЦА МАРЕСЬЕВА, ДОМ 4Г тел: +7(702)-333-24-55

Дополнительную информацию, а также запросить копии документов, относящихся к намечаемой деятельности можно по тел. +77023332455.

Разработчик проекта: ТОО «Tau Engineering and Consultants», РК, Алматы, Бо-стандық Район, Проспект Аль-Фараби, Дом 5, Н.П. 13, тел. 8-701 705-05-80.

Географические координаты территории воздействия: Актюбинская область, Хромтауский район, Копинский с.о., 1. 49°49'25.09" С 58°42'25.42" В; 2. 49°49'29.61" С 58°43'36.73" В; 3. 49°47'40.43" С 58°43'49.51" В; 4. 49°47'43.31" С 58°41'41.80" В.

Электронный адрес и почтовый адрес местного исполнительного органа: Управление природных ресурсов и регулирования природопользования Актюбинской области: Актюбинская область, г.Атобе, пр.Абылхаир хана, 40; expert_oos@mail.ru.

ОБЪЯВЛЕНИЯ

Открыто наследственное дело на имя Ибраевой Валентины Федоровны 22 января 1949 года рождения, умершей 19 июня 2025 года. Наследником следует обратиться по адресу: г. Хромтау, ул. Абая 1, к нотариусу Козбагарову К.К.

Открыто наследственное дело на имя Усенова Балтабай Мухаевича 06 октября 1961 года рождения, умершего 23 августа 2025 года. Наследником следует обратиться по адресу: г. Хромтау, ул. Абая 1, к нотариусу Козбагарову К.К.

Открыто наследственное дело на имя Ржавский Сергей Васильевича 27 мая 1955 года рождения, умершего 03 сентября 2025 года. Наследником следует обратиться по адресу: г. Хромтау, ул. Абая 3, к нотариусу Берембаеву О.К.

Пропуск на имя Ельгундинова Т.Р. в связи с утерей считать действительным.

Пропуск на имя Үргенішбаева Т.Т. в связи с утерей считать действительным.

Пропуск на имя Еспулаева А.Н. в связи с утерей считать действительным.

Пропуск на имя Жонизова Ж.С. в связи с утерей считать действительным.

Пропуск на имя Жукібаева Д.К. в связи с утерей считать действительным.

Пропуск на имя Вильгельм В.И. в связи с утерей считать действительным.

Пропуск на имя Нелюбина С.Н. в связи с утерей считать действительным.

Пропуск на имя Патемкин А.Ю. в связи с утерей считать действительным.

Пропуск на имя Куатова Е.А. в связи с утерей считать действительным.

Пропуск на имя Коллонова Р.С. в связи с утерей считать действительным.

Пропуск на имя Никитас Д.Н. в связи с утерей считать действительным.

Пропуск на имя Цинко Д.В. в связи с утерей считать действительным.

Пропуск на имя Ермекулды А. в связи с утерей считать действительным.

Пропуск на имя Салакпаева П.М. в связи с утерей считать действительным.

МҰЗ ҮСТІНДЕГІ ҚАУІПСІЗДІК ЕРЕЖЕЛЕРІ

Қазіргі таңда күрделі мәселелердің бірі – азаматтардың мұз үстінде жүру тәртібін сақтамауы салдарынан орын алатын қайғылы жағдайлар. Жыл сайын адам өлімінің орын алуы көптеген азаматтарға сабақ болмай отырғаны, әрине, өкінішті.

Көп жағдайда мұз үстіне балық аулау үшін немесе жолды қысқарту мақсатында өзен-көлдерді кесіп өтетіндігі барша-мызға мәлім. Дегенмен, өз өмірін қауіпке тігіп, сақтық шараларын естен шығаруға болмайды.

Ауа райының жылынуына байланысты аудан аумағындағы барлық су айдындарында мұздың қалыңдығы жұқарып, әр жерінен жарықтар пайда болуда. Осыған байланысты мұздың техникалық

төзімділігі талапқа сай емес. Осы орайда, мұз үстіндегі қарапайым қауіпсіздік ережелерін қатаң сақтау маңызды.

Мыналарға рұқсат етілмейді:

- жұқа және бекімеген мұз үстіне шығуға;
- мұздың жекелеген учаскелерінде топ болып жиналуға;
- мұздағы жырымдарға, жарықтарға және ойықтарға жақындауға;



автомобильдермен арнайы жабдықталған өткелдерден тыс жерлерге, яғни су айдындарына шығуға;

мұз үстіне тұнып уақытта және көріну мүмкіндігі шектеулі кезде шығуға.

Жеке құтқару құралдары болған жағдайда ғана мұз үстінде балық аулауға рұқсат етіледі. Сонымен қатар, мұз астынан балық аулау кезінде: шектелген алаңда екіден артық шұңқыр ойып ашуға; мұз үстінде от жағуға рұқсат етілмейді.

Су айдындарының маңында орналасқан елді мекен тұрғындары өз балаларының мұз үстіне шығып ойнамауын қадағалап, қауіпсіздік талаптарын сақтау бойынша түсіндіру жұмыстарын жүргізгені жөн.

Қуз, қыс және көктем мезгілдерінде балық аулауға жеке құтқару құралдары болған жағдайда ғана жол беріледі. Атап айтқанда: ысқырық, құтқару шильді, құтқару кеудешесі, диаметрі 11 миллиметрден кем емес, ұзындығы 12 метрден кем емес таяқ, су өткізбейтін пакетке салынған ұялы телефон.

Су айдындарында қауіпсіздік қағидаларын бұзу фактілері анықталған жағдайда Қазақстан Республикасының ӨҚБТК-нің 412-бабы бойынша әкімшілік жауапкершілік көзделген.

Хромтау ауданының Төтенше жағдайлар бөлімі

Меншік иесі «Хромтау» газеті редакциясы» ЖШС
Газет Қазақстан Республикасының Инвестициялар және даму министрлігінің байланыс, ақпараттандыру және ақпарат комитетінде 2014 жылдың 22 желтоқсанында тіркеліп №15026-Г куәлігі берілген.
Газет жарияланымдарындағы автор пікірі редакцияның түпкілікті көзқарасы болып танылмайды. Редакцияға түскен колжазбалар қайтарылмайды. Кей суреттер интернеттен алынады.
Жарнама мен хабарландырулардың мәтініне жарнама беруші жауапты.
Редакция мекенжайы:
Хромтау қаласы, Куразов көшесі, 9
телефон: 27-745

ХРОМТАУ
Директор-редактор Қуандық РЕЙМОВ

Газет басылды:
«ASU» баспа үйі,
«Сыр медиа» ЖШС-і баспаханасы.
Қызылорда қаласы,
Бейбарыс Султан көшесі, 4 «А»
Баспахана телефоны: 87242/400668.

Газет аптасына бір рет шығады.
Тарапымы 1110 дана. Тапсырыс №146
Көлемі 1 баспа табақ, индексі 65520